

八  
代  
詩  
選

宋第二

八代詩選九

五言第七

長沙湘潭王闔運撰

謝惠連

豫章行

軒帆遡遙路薄送瞰遐江舟車理殊緬密友將遠從九里  
樂同潤二華念分峯集歡豈今發離歎自古鍾促生靡緩  
期迅景無遲蹤緇髮迫多素憔悴謝華豐婉婉寡留畧窈  
窕閉淹龍如何阻行止憤愠結心胸旣微達者度歡戚誰  
能封願子保淑慎良訊代徽容

塘上行

芳萱秀陵阿菲質不足榮幸有忘憂用移根託君庭垂穎  
臨清池擢彩仰華蕢霑渥雲雨潤葳蕤吐芳馨願君眷傾  
葉留景惠餘明

汎南湖至石帆

軌息陸塗初柁鼓川路始漣漪繁波漾參差層峰峙蕭疎  
野趣生逶迤白雲起登陟苦跋涉瞬盼樂心耳卽翫翫有  
竭在興興無已

西陵遇風獻康樂一首

我行指孟春春仲尙未發趣塗遠有期念離情無歇戒裝  
候良辰漾舟陶嘉月瞻塗意少悰還顧情多闕其一哲兄感

此別相送越垞林飲餞野亭館分袂澄湖陰悽悽留子言

眷眷淨客心迴塘隱艫棹遠望絕形音其二靡靡卽長路戚

戚抱遙悲遙但自弭路長當語誰行行道轉遠去去情

彌遲昨發浦陽汭今宿浙江湄其三屯雲蔽曾嶺驚風涌飛

流零雨潤墳澤落雪灑林坻浮氛晦崖巘積素盛原疇曲

汎薄停旅通川絕行舟其四臨津不得濟伫楫阻風波蕭條

洲渚際氣色少諧和西瞻興游歎東睇起悽歌積憤成疢

疢無萱將如何其五

代古

客從遠方來贈我鵠文綾貯以相思篋緘以同心繩裁爲

親身服著以俱寢與別來經年歲歡心不可陵寫酒置井  
中誰能辨斗升合如杯中水誰能判滄澗

秋懷

平生無志意少小嬰憂患如何乘苦心矧復值秋宴皎皎  
天月明奕奕河宿爛蕭瑟含風蟬寥唳度雲雁寒商動清  
閨孤燈曖幽幔耿介繁慮積展轉長宵半夷險難預謀倚  
伏昧前算雖好相如達不同長卿慢頗悅鄭生偃無取白  
衣宦未知古人心且從性所翫賓至可命觴朋來當染翰  
高臺數登踐清波時陵亂積魄不再圓傾羨無兩且金石  
終銷毀丹青暫彫煥各勉立髮歡無貽白首歎因歌遂成

賦聊用布親串

擣衣

衡紀無淹度暑運倏如催白露滋園菊秋風落庭槐蕭蕭  
莎雞羽烈烈寒蟬嘯夕陰結空幕宵月皓中閨美人戒裳  
服端飾相招攜簪玉出北房鳴金步南階欄高砧響發楹  
長杵聲哀微芳起兩袖輕汗染雙題紉素旣已成君子行  
未歸裁用筍中刀縫爲萬里衣盈篋自余手幽緘候君開  
腰帶準疇昔不知今是非

泛湖歸出樓中望月

日落泛澄瀛星羅游輕橈憩榭面曲汜臨川對迴潮輟策

八代詩選 卷二  
三  
共駢筵並坐相招要哀鴻鳴沙渚悲蟻響山椒亭亭映江  
月颺颺出谷颺斐斐氣冪岫泣泣露盈條近矚祛幽蘊遠  
視蕩誼搢晤言不知罷從夕至清朝

七月七日夜詠牛女

落日隱欄楹升月照房櫳團團滿葉露析析振條風蹠足  
循廣除瞬目曬曾穹雲漢有靈匹彌年闕相從遐川阻暱  
愛修儲曠清容弄杼不成藻聳轡驚前蹤昔離秋已兩今  
聚夕無雙傾河易迴幹欵顏難久悰沃若靈駕旋寂寥雲  
幄空留情願華寢遙心逐奔龍沈吟爲爾感情深意彌重

鮑照

採桑

季春梅始落女工事蠶作采桑淇洧間還戲上宮閣早蒲  
時結陰晚篁初解籜藹藹霧滿闈融融景盈幕乳燕逐草  
蟲巢蜂拾花萼是節最暄妍佳服又新爍綿歎對迴塗揚  
歌弄場藿抽琴試杼思薦佩果成託承君郢中美服義久  
心諾衛風古愉豔鄭俗舊浮薄靈願悲渡湘宓賦笑瀍洛  
盛明難重來淵意爲誰涸君其且調弦桂酒妾行酌

代挽歌

獨處重冥下憶昔登高臺傲岸平生中不爲物所裁埏門  
已復閉白蟻相將來生時芳蘭體小蟲今爲災玄鬢無復



根枯體依青苔憶昔好飲酒素盤進青梅彭韓及廉藺疇  
昔已成灰壯士皆死盡餘人安在哉

代東門行

傷禽悲弦驚倦客惡離聲離聲斷客情賓御皆涕零涕零  
心斷絕將去復還訣一息不相知何況異鄉別遙遙征駕  
遠杳杳白日晚居人掩閨卧行子夜中飯野風吹草木行  
子心腸斷食梅常苦酸衣葛常苦寒絲竹徒滿坐憂人不  
解顏長歌欲自慰彌起長恨端

代放歌行

蓼蟲避葵莖習苦不言非小人自齷齪安知曠士懷雞鳴

洛城裏禁門平旦開冠蓋縱橫至車騎四方來素帶曳長  
飈華纓結遠埃日中安能止鐘鳴猶未歸夷世不可逢賢  
君信愛才明慮自天斷不受外嫌猜一言分圭爵片善辭  
草萊豈伊白璧賜將起黃金臺今君有何疾臨路獨遲迴  
代陳思王京洛篇

鳳樓十二重四戶八綺窗繡桷金蓮花桂柱玉盤龍珠簾  
無隔露羅幌不勝風寶帳三千所爲爾一朝容揚芬紫煙  
上垂綵綠雲中春吹回白日霜高落塞鴻但懼秋塵起盛  
愛逐衰蓬坐視青苔滿卧對錦筵空琴瑟縱橫散舞衣不  
復縫古來其歇薄君意豈獨濃唯見雙黃鵠千里一相從

代白頭吟

直如朱絲繩清如玉壺冰何慙夙昔意猜恨坐仍人情  
賤恩舊世議逐衰興豪髮一爲瑕北山不可勝食苗實碩  
鼠黠白信蒼蠅鳧鵠遠成美薪芻前見陵申黜褻女進班  
去趙姬升周王日淪惑漢帝益嗟稱心賞猶難恃貌恭豈  
易憑古來共如此非君獨撫膺

代東武吟

主人且勿誼賤子歌一言僕本寒鄉士出身蒙漢恩始隨  
張校尉占募到河源後逐李輕車追虜窮塞垣密塗亘萬  
里甯歲猶七奔肌力盡鞍甲心思歷涼溫將軍旣下世部

曲亦罕存時事一朝異孤績誰復論少壯辭家去窮老還  
入門腰鎌刈葵藿倚杖牧雞豚昔如韝上鷹今似檻中猿  
徒結千載恨空負百年怨棄席思君幄疲馬戀君軒願垂  
晉主惠不愧田子魂

代出自薊北門行

羽檄起邊亭烽火入咸陽徵騎屯廣武分兵救朔方嚴秋  
筋竿勁虜陳精且疆天子按劍怒使者遙相望雁行緣石  
徑魚貫度飛梁簫鼓流漢颶旌甲被胡霜疾風衝塞起沙  
礫自飄揚馬毛縮如蝟角弓不可張時危見臣節世亂識  
忠良投軀報明主身死爲國殤

代陸平原君子有所思行

西上登雀臺東下望雲闕層閣肅天居馳道直如髮繡  
結飛霞璇題納行月築山擬蓬壺穿池類溟渤選色遍齊  
岱徵聲叩越陳鐘陪夕燕笙歌待明發年貌不可還身  
意會盈歇蝘壤漏山河絲淚毀金骨器惡含滿歆物忌厚  
生沒智哉眾多士服理辨昭晰

代陳思王白馬篇

白馬駢角弓鳴鞭乘北風要塗問邊急雜虜入雲中閉壁  
自往夏清野徑還冬僑裝多闕絕旅服少裁縫埋身守漢  
節沈命對胡封薄莫塞雲起飛沙被遠松含悲望兩都楚

歌登四墉丈夫設計誤懷恨逐邊戎棄別中國愛邀冀胡  
馬功去來今何道卑賤生所鍾但令塞上兒知我獨爲雄  
代昇天行

家世宅關輔勝帶宦王城備聞十帝事委曲兩都情倦見  
物興衰驟覩俗屯平翩翻若回掌恍惚似朝榮窮塗悔短  
計晚志重長生從師入遠嶽結友事仙靈五圖發金記九  
籀隱丹經風餐委松宿雲卧恣天行冠霞登采閣解玉飲  
椒庭暫游越萬里少別數千齡鳳臺無還駕簫管有遺聲  
何當與汝曹啄腐共吞腥

代堂上歌行

水竹詩選 卷二 七  
四坐且莫誼聽我堂上歌昔仕京洛時高門臨長河出入  
重宮裏結友曹與何車馬相馳逐賓朋好容華陽春孟韶  
月朝光散流霞輕步逐芳風言笑弄丹葩輝輝朱顏酩紛  
紛織女梭滿堂皆美人目成對湘娥雕謝侍君間明妝帶  
綺羅箏笛更彈吹高唱好且和萬曲不關心一曲動情多  
欲知情厚薄更聽此聲過

代結客少年場行

驄馬金絡頭錦帶佩吳鉤失意杯酒間白刃起相讎追兵  
一旦至負劍遠行游去鄉三十載復得還舊非升高臨四  
關表裏望皇州九衝平若水雙闕似雲浮扶宮羅將相夾

道列王侯日中市朝滿車馬若川流擊鍾陳鼎食方駕自  
相求今我獨何爲埴壤懷百憂

代邊居行

少年遠京陽遙遙萬里行陋巷絕人徑茅屋摧山岡不覩  
車馬跡但見麋鹿場長松何落落韭隴無復行邊地無高  
木蕭蕭多白楊盛年日月盡一去萬恨長悠悠世中人爭  
此錐刀忙不憶貧賤時富貴輒相忘紛紛徒滿目何關予  
慨傷不如一畝中高會挹清漿遇樂便作樂莫使候朝光  
代邽街行

伫立出門衢遙望轉蓬飛蓬去舊根在連翩逝不歸念我



捨鄉俗親好久乖違慷慨懷長想惆悵戀音徽人生隨事  
變遷化焉可祈百年難必果千慮易盈虧

蕭史曲

蕭史愛長年羸女羞童顏火粒願排棄霞霧好登攀龍飛  
逸天路鳳起出秦關身去長不返簫聲時往還

侍宴覆舟山二首

息雨清上郊開雲照中縣游軒越丹居輝燭集涼殿凌高  
躋飛楹追焱起流宴桓苑含靈羣岳庭藏物變明輝爍神  
都麗氣冠華甸目遠幽情周醴洽深恩遍

繁霜飛玉闕暖景麗皇州清蹕戒馳路羽蓋仁宣游神居

既崇盛嚴險信環周禮俗陶德聲昌會溢民謳慙無勝化  
質謬從雲雨游

從拜陵登京峴

孟冬十月交殺盛陰欲終風烈無勁草寒甚有凋松軍井  
冰盡結士馬羶夜重晨登峴山首霜雪凝未通息鞍循隴  
上支劍望雲峰表裏觀地險昇降究天容東嶽覆如礪瀛  
海安足窮傷哉良永矣馳光不再中衰賤謝遠願疲老還  
舊邦深德竟何報徒令田陌空

蒜山被始興王命作

暮冬霜朔嚴地閉泉不流元武藏大陰丹鳥還養羞勞農

澤旣周役車時亦休高薄符好舊藻駕及時游鹿苑豈淹  
睇苑園不足留升嶠眺日軌臨迴望滄洲雲生玉堂裏風  
靡銀臺陬陂石類星縣嶼木似煙浮形勝信天府珍寶麗  
皇州白日回清景芳宴洽歡柔參差出塞吹飄戾江上謳  
王德愛文雅飛翰儷鳴球美哉物會昌衣道服光猷

登廬山

縣裝亂水區薄旅次山楹千巖盛阻積萬壑勢回縈巉巖  
高昔貌紛亂襲前名洞澗窺地脈聳樹隱天經松磴上迷  
密雲竇下縱橫陰冰實夏結炎樹信冬榮嘈噴晨鷗思叫  
嘯夜蛩清淙達伏化跡穹岫闕長靈乘此樂山性重以遠

游情方躋羽人塗永與煙霧并

登廬山望石門

訪世失隱淪從山異靈士明發振雲冠升嶠遠樓止高岑  
隔半天長崖斷千里氛霧承星辰潭壑洞江汜漸絕類虎  
牙巉峿象熊耳埋冰或百年韜樹必千祀雞鳴清澗中蛟  
獻白雲裏瑤波逐穴開霞石觸峰起迴互非一形參差悉  
相似傾聽鳳管賓緬望釣龍子松桂盈鄰前如何穢城市  
從登香鑪峰

辭宗盛荆夢登歌美鳧繹徒收杞梓饒曾非羽人宅羅景  
藹雲扃霑光扈龍策御風親列塗乘山窮禹跡含嘯對霧

岑延蘿倚峯壁青冥搖煙樹穹跨負天石霜崖滅土膏金  
澗測泉脈旋淵抱星漢乳竇通海碧谷館駕鴻人巖棲咀  
丹客殊物藏珍怪奇心隱仙籍高世伏音華綿古遯精魄  
蕭瑟生哀聽參差遠驚覲慚無獻賦才洗汗奉豪帛

從庾中郎游園山石室

荒塗趣山楹雲崖隱靈室岡澗紛重抱林障杳重密昏昏  
磴路深活活梁水疾幽隅秉晝燭地牖窺朝日怪石似龍  
章瑕璧麗錦質洞庭安可窮漏井終不溢沈空絕景聲崩  
危坐驚慄神化豈有方妙象竟無跡至哉鍊玉人處此長

自畢

登翻車峴

高山絕雲霓深谷斷無光晝夜淪霧雨冬夏結寒霜淖阪  
既馬領磧路又羊腸畏塗疑旅人忌輒覆行箱升岑望原  
陸四眺極川梁游子思故居離客遲新鄉新知有客感追  
故游子傷

登黃鶴磯

水落江渡寒雁還風送秋臨流斷商弦瞰川悲棹謳適郢  
無東轅還夏有西浮三崖隱丹磴九派引滄流淚竹感湘  
別弄珠懷漢游豈伊藥餌泰得奪旅人憂

贈故人馬子喬六首

躑躅城上羊攀隅食立草俱共日月輝昏明獨何早夕風  
飄野籜飛塵被長道親愛難重陳懷憂坐空老

寒灰滅更然夕華晨更鮮春冰雖暫解冬水復還堅佳人  
舍我去賞愛絕長緣歡至不留日感物輒傷年

松生隴坂上百尺下無枝東南望河尾西北隱崑崖野風  
振山籟朋鳥夜驚離悲涼貫年節葱翠恆若斯安得草木  
心不怨寒暑移

種橘南池上種杏北池中池北既少露池南又多風早寒  
逼晚歲衰恨滿秋容湘濱有靈鳥其字曰鳴鴻一抱繒繳  
痛長別遠無雙

皎如川上鵠赫似握中丹宿心誰不欺明白古所難憑楹  
觀皓露灑酒盞憂顏永念平生意窮光不忍還淹留徒攀  
桂延伫空結蘭

雙劍將離別先在匣中鳴煙雨交將夕從此遂分形雌沈  
吳江水雄飛入楚城吳江深無底楚關有崇扃一爲天地  
別豈直限幽明神物終不隔千祀儻還并

日落望江贈荀丞

旅人乏愉樂薄暮增思深日落嶺雲歸延頸望江陰亂流  
濺大壑長霧弔高林林際無窮極雲邊不可尋惟見獨飛  
鳥千里一揚音推其感物情則知游子心君居帝京內高



會日揮金豈念慕羣客咨嗟戀景沈

秋日示休上人

枯桑葉易零疲客心易驚今茲亦何早已聞絡緯鳴回風  
滅且起卷蓬息復征愴愴簞上寒悽悽帳裏清物色延暮  
思霜露逼朝榮臨堂觀秋草東西望楚城百物方蕭瑟生  
歎從此生

吳興黃浦亭庾中郎別

風起洲渚寒雲上日無輝連山眇煙霧長波迴難依旅雁  
方南過浮客未西歸已經江海別復與親眷違奔景易有  
窮離衷安可掉懼觴爲悲酌歌服成泣衣溫念終不渝藻

志遠存追役人多牽滯顧路慙奮飛昧心附遠翰炯言藏  
佩韋

送別王宣城

發郢流楚思涉淇興衛情旣逢青春獻復值白蘋生廣望  
周千里江郊藹微明舉爵自惆悵歌管爲誰清潁陰騰前  
藻淮陽流昔馨樹道慕高華屬路仁微馨

送從弟道秀別

參差生密念躑躅行思悲悲思戀光景密念盈歲時歲時  
多阻折光景乏安怡以此苦風情日夜驚縣旗登山臨朝  
日揚袂別所思浸淫旦潮廣瀾漫宿雲滋天陰懼先發路

遠常早辭篇詩後相憶杯酒今無持游子苦行役冀會非  
遠期

贈傅都曹別

輕鴻戲江潭孤雁集洲汜邂逅兩相親緣念共無已風雨  
好東西一隔頓萬里追憶棲宿時聲容滿心耳落日川湄  
寒愁雲繞天起短翮不能翔裴回煙霧裏

和傅大農與僚故別

絕節無緩響傷雁有哀音非同年歲意誰共別離心伊昔  
謬通塗冠履預人林浮江望南嶽登湖窺海陰孰謂游居  
淺慕美久相深萋萋春草秀嚶嚶喜候禽辰物盡明茂尊

盛獨幽沈之子安所適我方棲舊岑墜歡豈更接明愛貌  
難尋

送盛侍郎餞候亭

霑霜襲冠帶驅駕越城闕北臨出塞道南望入鄉津高墉  
宿寒霧平野起秋塵君爲坐堂子我乃負羈人欣悲豈等  
志甘苦誠異身結涕園中草憔悴悲此春

與荀中書別

勞舟厭長浪疲旆倦行風連翩感孤志契闊傷賤躬親交  
篤離愛眷戀置酒終敷文勉征念發藻慰愁容思君吟涉  
洎撫已謠渡江慙無黃鶴翅安得久相從願遂宿知意不

使舊山空

還都道中三首

悅懌遂還心踴躍貪至勤鳴雞戒征路莫息落日分急流  
騰飛沫回風起江濱孤獸嘒夜侶離鴻噪霜羣物哀心交  
橫聲切思紛紜歎慨訴同旅美人無相聞

風急訊灣浦裝高偃檣舳夕聽江上波遠極千里目寒律  
驚窮蹊爽氣起喬木隱隱日沒岫瑟瑟風發谷鳥還莫林  
喧潮上冰結濮夜分霜下淒悲端出遙陸愁來攢人懷羈  
心苦獨宿

久宦迷遠川川廣每多懼薄止閭邊亭關歷險程路靈霽

冥隅岫濛昧江上霧時涼籟爭吹流洄浪奔趣惻焉增愁  
起搔首東南顧茫然荒野中舉目皆凜素回風揚江泌寒  
禽棲動樹太息終晨漏企我歸颺遇

上潯陽還都道中

昨夜宿南陵今旦入蘆洲客行惜日月崩波不可留侵星  
赴早路畢景逐前儔鱗鱗夕雲起獵獵曉風遒騰沙鬱黃  
霧翻浪揚白鷗登艫眺淮甸掩泣望荆流絕目盡平原時  
見遠煙浮倏忽坐還合俄思甚兼秋未嘗違戶庭安能千  
里游誰令乏古節貽此越鄉憂

還都至三山望石頭城

泉源安首流川末澄遠波晨光被水族曉氣歇林阿兩江  
皎平迥三山鬱駢羅南帆望越嶠北榜指齊河關局繞天  
邑襟帶抱尊華長城非壑嶮峻阻似荆牙攢樓貫白日搗  
堞隱丹霞征夫喜觀國游子遲見家流連入京引躑躅望  
鄉歌彌前歎景促逾近勅路多偕萃猶如茲弘易將謂何  
還都口號

分壤蕃帝華列正藹皇宮禮讌及年暇朝奏因歲通維舟  
歇金景結棹俟昌風鉦歌首寒物歸吹踐開冬陰沈煙塞  
合蕭瑟涼海空馳霜急歸節幽雲慘天容旌鼓貫元塗羽  
鷁被長江君王遲京國游子思鄉邦恩世共淪洽身願兩

扳逢勉哉河濟客勤爾尺波功

行京口至竹里

高柯危且竦鋒石橫復仄復澗隱松聲重崖伏雲色冰閉  
寒方壯風動烏傾翼斯志逢凋嚴孤游值曛逼兼塗無憩  
鞍半菽不違食君子樹令名細人効命力不見長河水清  
濁俱不息

發後渚

江上氣早寒仲秋始霜雪從軍乏衣糧方冬與家別蕭條  
背鄉心悽愴清渚發涼埃晦平皋飛潮隱修樾孤光獨徘徊  
迴空煙視昇滅塗隨前峰遠意逐後雲結華志分馳年韶



八  
不  
言  
選  
宋  
二  
顏慘驚節推琴三起歎聲爲君斷絕

岐陽守風

差池玉繩高  
晝藹瑤井沒  
廣岸屯宿陰  
縣崖棲歸月  
役人喜先馳  
軍令申早發  
洲迴風正悲  
江寒霧未歇  
飛雲日東西  
別鶴方楚越  
塵衣孰揮澣  
蓬思亂玄髮

詠史

五都矜財雄  
三川養聲利  
百金不市死  
明經有高位  
京城十二衢  
飛甍各鱗次  
仕子彫華纓  
游客竦輕轡  
明星晨未晞  
軒蓋已雲至  
賓御紛颯沓  
鞍馬光照地  
寒暑在一時  
繁華及春媚  
君平獨寂寞  
身世兩相棄

擬古八首

魯客事楚王，懷金襲丹素。既荷主人恩，又蒙令尹顧。日宴罷朝歸，鞍馬塞衢路。宗黨生光輝，賓僕遠傾慕。富貴人所欲，道得亦何懼。南國有儒生，迷方獨淪誤。伐木清江湄，設罝守甕兔。

十五諷詩書，篇翰靡不通。弱冠參多士，飛步游秦宮。側覩君子論，預見古人風。兩說窮舌端，五車摧筆鋒。羞當白璧貺，恥受聊城功。晚節從世務，乘障遠和戎。解佩襲犀渠，卷裘奉盧弓。始願力不及，安知今所終。

幽并重騎射，少年好馳逐。韞帶佩雙鞬，象弧插雕服。獸肥

春草短飛鞚越平陸朝游雁門上暮還樓煩宿石梁有餘  
勁驚雀無全目漢虜方未知邊城屢翻覆留我一白羽將  
以分虎竹

鑿井北陵隈百丈不及泉生事本瀾漫何用獨精堅幼壯  
重寸陰衰暮及輕年放駕息朝歌提爵止中山日夕登城  
隅周回視洛川街衢積凍草城郭宿寒煙繁華悉何在宮  
闕久崩填空謗齊景非徒稱夷叔賢

伊昔不治業倦游觀五都海岱饒壯士蒙泗多宿儒結髮  
起躍馬垂白對講書呼我昇上席陳觥發瓢壺管仲死已  
久墓在西北隅後面崔嵬者桓公舊冢廬君來誠旣晚不

觀崇明初玉琬徒見傳交友義漸疎

束薪幽篁裏刈黍寒澗陰朔風傷我肌號鳥驚思心歲暮  
井賦訖程課相追尋田租送函谷獸橐輸上林河渭冰未  
開關隴雪正深笞擊官有罰呵辱吏見侵不謂乘軒意伏  
櫪還至今

河畔草未黃胡雁已矯翼秋蛩扶戶吟寒婦晨夜織去歲  
征人還流傳舊相識聞君上隴時東望久歎息宿昔衣帶  
改且暮異容色念此憂如何夜長愁更多明鏡塵匣中瑤  
琴生网羅

蜀漢多奇山仰望與雲平陰崖積夏雪陽谷散秋榮朝朝

見雲歸夜夜聞蛩鳴憂人本自悲孤客易傷情臨堂設尊  
酒留酌思平生石以堅爲性君無輕素誠

紹古辭七首

橘生湘水側菲陋人莫傳逢君金華宴得在玉几前三川  
窮名利京洛富妖妍恩榮難久恃隆寵易衰偏觀席妾懷  
愴觀翰君泣然徒抱忠孝志猶爲葑菲遷

昔與君別時蠶妾初獻絲何言年月駛寒衣已擣治縑繡  
多廢亂篇帛久塵緇離心壯爲劇飛念如縣旗石席我不  
爽德音君勿欺

瑟瑟涼海風竦竦寒山木紛紛羈思盈慊慊夜弦促訪言

山海路千里歌別鶴弦絕空咨嗟形音誰賞錄辛苦異人  
狀美貌改如玉徒畜巧言鳥不解心款曲

孤鴻散江嶼連翩遵渚飛含嘶衡桂浦馳顧河朔畿攢攢  
勁秋木昭昭淨冬暉窗前滌歡爵帳裏縫舞衣芳歲猶自  
可日夜望君歸

憑檻翫夜月迴眺出谷雲還山路已遠往海不及羣徘徊  
清淮汭顧慕廣江瀆物情乖喜歇守操古難聞三越豈少  
姿容態傾動君

開黛覩朝顏臨鏡訪遙塗君子事河源彌祀闕還書春風  
掃地起飛塵生綺疏文袿爲誰設羅帳空卷舒不怨身苦

寂但念星隱隅

煖歲節物早萬萌迎春達春風夜嫵媚春霧朝掩靄軟蘭  
葉可采柔桑條易捋怨咽對風景悶督守闔闔天賦愁民  
命含生但契闢憂來無行伍歷亂如覃葛

學劉公幹體五首

欲宦乏王事結主遠恩私爲身不爲名散書徒滿帷連冰  
上冬月披雪拾園葵聖靈燭區外小臣良見遺

曠曠寒野霧蒼蒼陰山柏樹迴霧縈集山寒野風急歲物  
盡淪傷孤貞爲誰立賴樹能自貞不計跡幽迳

胡風吹朔雪千里度龍山集君瑤臺上飛舞兩楹前茲晨

自爲美當避豔陽天豔陽桃李節皎潔不成妍

荷生淥泉中碧葉齊如規迴風蕩流霧珠水逐條垂彪炳  
此金塘藻耀君王池不愁世賞絕但畏盛明移

白日正中時天下共明光北園有細草當晝正含霜乖榮  
頓如此何用獨芬芳抽琴爲爾歌弦斷不成章

擬阮公夜中不能寐

漏分不能卧酌酒亂緜憂惠氣憑夜清素景緣隙流鳴鶴  
時一聞千里絕無儔伫立爲誰久寂寞空自愁

臨川王服竟還田里

送舊禮有終事君慙懦薄稅駕罷朝衣歸志願巢壑尋思



邈無報退命愧天爵舍耨將十齡還得守場藿道經盈竹  
筍農書滿塵閣愴愴秋風生戚戚寒緯作豐霧粲草華高  
月麗雲嶠屏跡勤躬稼衰疾倚芝藥願此謝人羣豈直止  
商洛

行藥至城東橋

雞鳴關吏起伐鼓早通晨嚴車臨迴陌延瞰歷城闔蔓草  
緣高隅修楊夾廣津迅風首旦發平路塞飛塵攬攬游宦  
子營營市井人懷金近從利撫劔遠辭親爭先萬里塗各  
事百年身開芳及稚節含采吝驚春尊賢永照灼孤賤長  
隱淪容華坐銷歇端爲誰苦辛

園中秋散

負疾固無豫晨衿悵已單氣交蓬門疎風數園草殘荒墟  
半晚色幽庭鄰夕寒旣悲月戶清復切夜蟲酸流枕商聲  
苦騷殺年志闌臨歌不知調發興誰與歡儻結弦上情豈  
孤林下彈

遇銅山掘黃精

土肪闕中經水芝韜內策寶餌緩童年命藥駐衰厯矧蓄  
終古情重拾煙霧跡羊角棲斷雲榼口流隘石銅溪畫森  
沈乳竇夜涓滴旣類風門磴復像天井壁蹠蹠寒葉離濛  
濛秋水積松色隨野深月露依草白空守江海思豈懷梁

鄭客得仁古無怨順道今何惜

懷遠人

哀樂生有端離會起無因去事難重念恍惚似如神屬期  
眇超遠後遇貌無辰馳風掃遙路輕蘿含夕塵思君成首  
疾欲息眉不伸

夢還詩

銜淚出郭門撫劒無人達沙風暗塞起離心眷鄉畿夜分  
就孤枕夢想暫言歸孀婦當戶歎縑絲復鳴機慊款論久  
別相將還綺闈厯厯檐下涼隴隴帳裏輝刈蘭爭芬芳采  
菊競葳蕤開籜奪香蘇探袖解纓微夢中長路近覺後大

江違驚起空歎息恍惚神魂飛白水漫漫浩浩高山壯巍巍  
波瀾異往復風霜改榮衰此土非吾土慷慨當告誰

翫月城西門廨中

始出西南樓纖纖如玉鉤未暎東北墀娟娟似蛾眉蛾眉  
蔽珠璣玉鉤隔瑣窗三五二八時千里與君同夜移衡漢  
落徘徊帷戶中歸華先委露別葉早辭風客游厭苦辛仕  
子倦飄塵休澣自公日宴慰及私辰蜀琴抽白雪郢曲發  
陽春肴乾酒未闕金壺啟夕淪迴軒駐輕蓋留酌待情人  
苦雨

連陰積澆灌滂沱下霖亂沈雲日夕昏驟雨淫朝旦蹊瀟

走獸稀林寒鳥飛晏密霧冥下溪聚雲屯高岸野雀無所  
依羣雞聚空館川梁日已廣懷人邈眇漫徒酌相思酒空  
急促明彈

三日

氣暄動思心柳青起春懷時豔憐花藥服淨俛登臺提觴  
野中飲暖心煙未開露色染春草泉源潔冰苔泥泥濡露  
條嫋嫋承風栽鳧雛掇苦薺黃鳥銜櫻梅解衿欣景豫臨  
流競覆杯美人竟何在淨心空自摧

詠秋

秋蘭徒晚綠流風漸不親飈我垂恩幕驚此梁上塵沈陰

安可久豐景將逐淪何由忽靈化暫見別離人

秋夕

慮涕擁心用夜默發思機幽閨溢涼吹閒庭滿清輝紫蘭  
花已歇青梧葉方稀江上淒海戾漢曲驚朔霏髮斑悟壯  
晚物謝知歲微臨宵嗟獨對撫賞怨情違躑躅空明月惆  
悵徒深帷

秋夜二首

夜久膏旣竭啟明旦未央環情倦始復空閨起晨裝幸承  
天光轉曲影入幽堂徘徊集通隙宛轉燭迴梁帷風自卷  
舒簾露視成行歲役急窮宴生慮備溫涼絲紉夙染濯綿

絡夜裁張冬雪且夕至公子乏衣裳華心暖零落非直惜  
容光願君翦眾念且共覆前觴

遯跡避紛喧貨農棲寂寞荒徑馳野鼠空庭聚山雀既遠  
人世歡還賴泉卉樂折柳樊場圃貞纒汲潭壑鬻且見雲  
峯風夜聞海鶴江介早寒來白露先秋落麻隴方結葉瓜  
田已墾籜傾輝忽西下迴景思華幙攀蘿席中軒臨觴不  
能酌終古白多恨幽悲共淪鑠

和王護軍秋夕

散漫秋雲遠蕭蕭霜月寒驚飈西北起孤雁夜往還開軒  
當戶牖取琴試一彈停歌不能和終曲久辛酸金氣方勁

殺隆陽微且單泉涸甘井竭節徒芳歲殘生事各多少誰  
共知易難投章心蘊結千里塗經紉願託孤老暇觴思暫  
開餐

冬至

舟遷莊甚笑水流孔亟歎景移風度改日至晷迴換眇眇  
負霜鴻皎皎帶雲雁長河結瓓玕層冰如玉岸哀哀古老  
容慘顏愁歲宴催促時節過逼迫聚離散美人還未央鳴  
箏誰與彈

冬日

嚴風亂山起白日欲還次曛霧蔽窮天夕陰晦寒地煙霾



有氛氳精光無明異風急野田空饑禽稍相棄含生共通  
閉懷賢孰爲利天窺苟平圓甯得已偏媚瀉海有歸潮衰  
容不還穉君今且安歌無念老方至

望孤石

江南多煖谷雜樹茂寒峯朱華抱白雪陽條熙朔風蚌節  
流綺藻輝石亂煙虹泄雲去無極馳波往不窮嘯歌清瀾  
畢徘徊朝景終淨生會當幾歡酌每盈衷

山行見孤桐

桐生叢石裏根孤地寒陰上倚崩岸勢下帶洞阿深奔泉  
冬激射霧雨夏霖淫未霜葉已肅不風條自吟昏明積苦

思晝夜叫哀禽棄妾望掩淚逐臣對撫心雖以慰單危悲涼不可任幸願見彫琢爲君堂上琴

詠雙燕二首

雙燕戲雲崖羽翰始差池出入南閨裏絕過北堂陲意欲巢君幕層楹不可規沈吟方歲晚徘徊韶景移悲歌辭舊愛銜淚覓新知

可憐雲中燕旦去暮來歸自知羽翅弱不與鵠爭飛寄聲謝飛鵠往事子毛衣瑣心誠貧薄叵吝節榮衰陰山饒苦霧危節多勁威豈但避霜雪當警野人機

傅亮

奉迎大駕道路賦詩

夙擢發皇邑有人祖我舟饑離不以幣贈言重琳球知止  
道攸貴懷祿義所尤四牡倦長路君轡可以收張邴結晨  
軌疏董頓夕軻東隅誠已謝西景逝不留性命安可圖懷  
此作前修敷衽銘篤誨引帶佩嘉謀迷寵非予志厚德良  
未酬撫躬愧疲朽三省慙爵浮重明照蓬艾萬品同率繇  
忠誥豈假知式微發直謳

范曄

樂游應詔詩

崇盛歸朝闕虛寂在川岑山梁協孔性黃屋非堯心軒駕

時未肅文囿降照臨流雲起行蓋晨風引鑾音原薄信平  
蔚臺澗備會深蘭池清夏氣修帳含秋陰遵渚攀蒙密隨  
山上嘔歛睇目有極覽游情無近尋聞道雖已積年力互  
頽侵探已謝丹黻感事懷長林

臨終詩

禍福本無兆性命歸有極必至定前期誰能延一息在生  
已可知來緣慳無識好醜共一邱何足異枉直豈論東陵  
上甯辨首山側雖無稽生琴席同夏侯色寄言生存子此  
路行復卽

吳邁遠

飛來雙白鵠

可憐雙白鵠雙雙絕塵氛連翻弄光景交頸游青雲逢羅  
復逢繳雄雌一旦分哀聲流海曲孤叫出江濱豈不慕前  
侶爲爾不及羣步步一零淚千里猶待君樂哉新相知悲  
來生別離持此百年命共逐寸陰移譬如空山草零落心  
自知

陽春歌

百里望咸陽知是帝京邑綠樹搖雲光春城起風色佳人  
愛華景流靡園塘側妍姿豔月映羅衣飄蟬翼宋玉歌陽  
春巴人長歎息雅鄭不同賞那令君愴惻生平重愛惠私

自憐何極

胡笳曲

輕命重意氣古來豈但今  
緩頰獻一說揚眉受千金  
邊風落寒草鳴笳墜飛禽  
越情結楚思漢耳聽胡音  
旣懷離俗傷復悲朝光侵日  
當故鄉沒遙見浮雲陰

長相思

晨有行路客依依造門端  
人馬風塵色知從河塞還  
時我有同棲結宦游邯鄲  
將不異客子分饑復其寒  
煩君尺帛書寸心從此殫  
遭妾長憔悴豈復歌笑顏  
簷隱千霜樹庭枯十載蘭  
經春不舉袖秋落甯復看  
一見願道意君門已

九關虞卿棄相印擔簦爲同歡  
閨陰欲早霜何事空盤桓  
長別離

生離不可聞況復長相思如何與君別  
當我盛年時蕙華每搖蕩妾心空自持  
榮乏草木歡悴極霜露悲富貴貌難變  
貧賤顏易衰持此斷君腸君亦且自疑  
淮陰有逸將折羽謝翻飛楚有扛鼎士  
出門不得歸正爲隆準公仗劔入紫微  
君才定何如白日下爭暉

古意贈今人

寒鄉無異服羶褐代文練日月望君歸  
年年不改縋荆揚春早和幽冀猶雪霰  
北寒妾已知南心君不見誰爲道辛

苦寄情雙飛燕形迫杼煎絲顏落風催電容華一朝改惟  
餘心不變

臨終詩

傷歌入松路斗酒望青山誰非一邱土參差前後間

袁淑

效子建白馬篇

劍騎何翩翩長安五陵間秦地天下樞八方湊才賢荆魏  
多壯士宛洛富少年意氣深自負肯事郡邑權藉藉關外  
來車徒傾國塵五侯競書幣羣公亟爲言義分明於霜信  
行直於弦交歡池陽下留宴汾陰西一朝許人諾何能坐



相捐影節去函谷投珮出甘泉嗟此務遠圖心爲四海縣  
但營身意遂豈校耳目目前俠烈良有聞古來共知然

效古

諄此倦游士本家自遼東昔隸李將軍十載事西戎結車  
高闕下極望見雲中四面各千里從橫起嚴風寒燠豈如  
節霜雨多異同夕寐北河陰夢還甘泉宮勤役未云已壯  
年徒爲空迺知古時人所以悲轉蓬

王微

雜詩二首

桑妾獨何懷傾筐未盈把自言悲苦多排卻不肯捨妾悲

叵陳訴填憂不消冶寒鴈歸所從半塗失憑假壯情拚驅  
馳猛氣捍朝社嘗懷雲漢慙常欲復周雅重名好銘勒輕  
驅願圖寫萬里度沙漠懸師蹈朔野傳聞兵失利不見來  
歸者奚處埋旂麾何處喪車馬拊心悼蒸人零淚覆面下  
徒謂久別離不見長孤寡寂寂掩高門寥寥空廣廈待君  
竟不歸收顏今就櫝

思婦臨高臺長想憑華軒弄絃不成曲哀歌送苦言箕帚  
留江介良人處雁門詎憶無衣苦但知狐白溫日暗牛羊  
下野雀滿空園孟冬寒風起東壁正中昏朱火獨照人抱  
景自愁怨誰知心曲亂所思不可論

詠愁

白子抱羈思眇與日月長載離非宋遠誰謂河難航憂隨  
積霖密慨因朗旭章負之苦不勝卽之竟無方如彼引鯤  
魚待盡守空梁天地豈私貧運至豈固當旣悟非形兆茲  
數詎可攘

王僧達

答顏延年

長卿冠華陽仲連擅海陰珪璋旣文府精理亦道心君子  
聳高駕塵軌實爲林崇情符遠跡清氣溢素襟結游略年  
義篤願棄浮沈寒榮共偃暴春醞時獻斟聿來歲序暄輕

雲出東岑麥隴多秀色楊園流好音歡此乘日暇忽忘逝  
景侵幽衷何用懌翰墨久謠吟棲鳳難爲條淑貺非所臨  
誦以永周旋匣以代兼金

和琅邪王依古

少年好馳俠游宦游關源既踐終古跡聊訊興亡言隆周  
爲藪澤皇漢成山樊久沒離宮地安識壽陵園仲秋邊風  
起孤蓬卷霜根白日無精景黃沙千里昏顯軌莫殊轍幽  
涂豈異魂聖賢良已矣抱命復何怨

七夕月下

遠山斂氛禳廣庭揚月波氣往風集隙秋還露泣柯節氣

既已屏中宵振綺羅來歡詎終夕收淚泣分河

王素

學阮步兵體

沈情發遐慮紆鬱懷所思  
髣髴聞簫管嗚鳳接羸姬  
聯綿共雲翼嬾婉相攜持  
寄言芳華士寵利不常期  
涇渭分清濁視彼谷風詩

顏竣

淫思古意

春風飛遠方紀轉流思  
堂貞節寄君子窮閨妾  
所藏裁書露微疑千里  
問新知君行過三稔故  
心久當移

何偃

冉冉孤生竹

流萍依清源孤鳥宿深沚  
蔭幹相經營風波能終始  
草生有日月婚年行及紀  
思欲侍衣裳關山分萬里  
徒作春夏期空望良人軌  
芳色宿昔事誰見過時美  
涼鳥臨秋竟歡願亦云已  
豈意倚君恩坐守零落耳

荀景

擬相逢狹路間

朝發邯鄲邑暮宿井陘  
閒井陘一何狹車馬不得旋  
邂逅相逢值崎嶇交一言  
一言不容多伏軾問君家  
君家誠易

知易知復易博南面平原居北趣相如閣飛樓臨名都通  
門枕華郭入門無所見但見雙栖鶴栖鶴數十雙鴛鴦羣  
相追大兒珥金璫中兒振纓綉伏臘一來歸鄰里生光輝  
小弟無所爲鬪雞東陌達大婦織紉綺中婦縫羅衣小婦  
無所作挾瑟弄音徽丈人且卻坐梁塵將欲飛

湯惠休

怨詩行

明月照高樓含君千里光巷中情思滿斷絕孤妾腸悲風  
盪帷帳瑤翠坐自傷妾心依天末思與浮雲長嘯歌視秋  
草幽葉豈再揚暮蘭不待歲離華能幾芳願作張女引流

悲繞君堂君堂嚴且祕絕調徒飛揚

江南思

幽客海陰路留戍淮陽津垂情向春草知是故鄉人

楊花曲

歲蕤華結情宛轉風含思掩涕守春心折蘭還自遺  
江南相思引多歎不成音黃鶴西北去銜我千里心  
深堤下生草高城上入雲春人心生思思心長爲君

孔欣

相逢狹路間

相逢狹路間道狹正踟躕如何不羣士行吟戲路衢輟步



相與言君行欲焉如澆朴久已凋榮利迭相驅流落尙風  
波人情多遷渝勢集堂必滿運去庭亦虛競趨嘗不暇誰  
肯眷桑樞無爲肆獨往只將困淪胥未若及初九攜手歸  
田廬躬耕東山畔樂道詠立書狹路安足游方外可寄娛  
湛茂之

歷山草堂應教

閉戶守玄漠無復車馬跡衰廢歸邱樊歲寒見松柏身慚  
睢陽老名忝梁園客習隱非朝市追常在山澤離離插天  
樹磊磊閒雲石持此怡一生傷哉駒度隙

蕭璟

貧士詩

四時迭來往苦辛隨事迫三冬泣牛衣五月披裘客遲遲  
春日永憂來安所適季秋授衣節荷裳竟不易班超棄筆  
硯婁敬脫挽輓雖云丈夫志終涉自媒跡賢哉顏氏子飲  
水常怡懌

鮑令暉

擬客從遠方來

客從遠方來贈我漆鳴琴木有相思文絃有別離音終身  
執此調歲寒不改心願作陽春曲宮商長相尋

八代詩選第九

齊第一

八代詩選十

五言第八

長沙湘潭王闔運撰

蕭子良

游後園

託性本禽魚棲情閒物外  
蘿徑轉連綿松軒方杳靄  
邱壑每淹留風雲多賞會

登山望雷居士精舍同沈右衛過劉先生墓下作

沛國劉子珪學優未仕跡  
邇心遐履信體仁古之遺德  
潛舟迅景滅賞淪輝言念芳猷  
式懷嗟述屬舍弟隨郡  
有示來篇彌緝久要之情益深  
宿草之歎升望西山率

爾爲答雖因事雷生實申悲劉子云爾

漢陵淹館燕晉殄洙風缺五都聲論空三河文義絕典禮  
適前英談元踰往哲明情日夜深徽音歲時滅垣井總已  
平煙雲從容裔爾歎牛山悲我悼驚川逝

王融

明王融

明王日月照至樂天地和幸息雲門吹復歇咸池歌桂序  
金匏轉瑤軒絲石羅朱騏步躑躅玄鶴舞蹉跎露凝嘉草  
秀煙度圓泉波皇基方萬祀齊民樂如何

淶水曲

湛露改寒司交鷲變春旭瓊樹落晨紅瑤塘水初綠日霽  
沙澈明風泉動華燭遵渚泛蘭觴乘漪弄清曲斗酒千金  
輕寸陰百年促何用盡歡娛王度式如玉

采菱曲

炎光消玉殿涼風吹鳳樓彫輪僚平隰朱權泊安流金華  
妝翠羽鷁首畫飛舟荆姬采菱曲越女江南謳騰聲翻葉  
靜散響谷雲浮良時時一遇佳人難再求

清楚曲

平原數千里飛觀鬱岌岌清月向將曙浩露零中宵轉葉  
度沙海別羽自冰遼四面通寒色左右竟嚴飈峭澗多榛

梗京索久塵苗逝將憑神武奮劍盪遺妖

散曲

金枝湛明燎繡幙烈芳然層閨橫綠綺曠席緬朱纏楚調  
廣陵散瑟柱秋風弦輕羣中山麗長裊邯鄲妍徐歌駐行  
景迅節淪浮煙言願聖明主永永萬斯年

青青河邊草

容容寒煙起翹翹望行子行子殊未歸寤寐君容輝夜中  
心愛促覺後阻河曲河曲萬里餘情交襟裊疏珠露春花  
返璿閨秋照晚入室怨蛾眉情歸爲誰婉

同沈右率諸公賦鼓吹曲巫山高一首

想像巫山高薄莫陽臺曲煙霞乍舒卷蘅芳自斷續彼美  
如可期寤言紛在矚憮然坐相思秋風下庭綠

望城行

金城十二重雲氣出表裏萬戶如不殊千門反相似車馬  
若飛龍長衢無極已簫鼓相逢迎信哉佳城市

法樂詞十二首

靈瑞

百神肅以虔三靈震且越恆曜晦芳宵薰風動蘭月丹榮  
藻玉墀翠羽文珠闕皓毳非虛來交輪豈徒發

下生



韶年春已仲明星夜未央千祀鍾休歷萬國會嘉祥金容  
涵夕景翠鬢佩晨光表塵維淨覺泛俗迺輪皇

出國

飛策辭國門端儀偃郊樹慈愛徒相思閩中空戀慕夙隸  
乖往涂駿足獨歸路舉袂謝時人得道且還去

雙樹

亭亭雙月流朏朏晨霜結川上不徘徊條間亟淪滅靈知  
湛常然符應有盈缺感運復來儀且厭人間世

賢眾

春山玉所府檀林芳所棲引火歸炎燧挹水自清隄庵園

無異轍祇館有同躋比肩非今古接武豈燕齊  
俱具

峻宇臨層穹茗茗疎遠風騰芳清漢裏響梵高雲中金華  
紛苒若瓊樹鬱青蔥貞心延淨境邃業嗣天宮

棲元寺聽講畢游邱園七韻應司徒教

道勝業茲遠心閒地能隙桂橈鬱初裁蘭墀坦將闢虛檐  
對長嶼高軒臨廣液芳草列成行嘉樹紛如積流風轉還  
逕清煙泛喬石日汨山照紅松暎水花碧暢哉人外賞遲  
遲眷西夕

雜體報范通直

和璧荆山下隨珠漢水濱無雙自昔代有美今爲鄰三楚  
多秀士江上復才人緯蕭非善賈聖德可名臣追飛且學  
步其子奉清塵紫庭風日好青槐枝葉新徘徊吹樓側欲  
見心所親菊君蘭蕙草何用以書紳

寒晚敬和徵君點

疏酌候冬序閒琴改秋律如何將莫天復值西歸日搖落  
迎軒牖飛鳴亂繩華煙灌共深陰風篁兩蕭瑟虛堂無笑  
語懷君首如疾早輕北山賦晚愛東皋逸上德可潤身下  
澤有餘纒

和王友德元古意

霜氣下孟津秋風度函谷念君瘁以寒當軒卷羅縠織手  
廢裁縫曲鬢罷膏沐千里不相聞寸心鬱紛緼况復飛螢  
夜木葉亂紛紛

和南海王殿下詠秋胡妻一首

日月共爲照松筠俱以貞佩帔甘自遠結鏡待君明且協  
金蘭好方愉琴瑟情佳人忽千里幽閨積思生其景落中

軒坐悠悠望城闕高樹升夕煙層樓滿初月光陰非或異  
山川屢難越輟泣掩鉛姿搔首亂雲髮其傾魄屬徂火搖

念待方秋涼氣承宇結明熠僚階流三星亦虛映四屋慘

多愁思君如護草一見乃忘憂其杼柚鬱不諧契闊彌新

故朔風檐上發寒鳥林間度客遠乏衣裘歲晏饒霜露參

差與別緒依遲起離慕其四願言如可信行邁亦云反睇景

不告勞瞻途甯遠何以淹歸轍蠶妾事春晚送目亂前

華馳心迷舊婉其五椒佩容有結振芳岐路隅黃金徒以賦

白圭終不渝明心良自皎安用久峙嶮過車反枌巷流目

下西處其六披帷悵有望出門遲所欲彼美復來儀慙顏變

欣囑蘭艾隔芳蕕涇渭分清濁去去夫人子請殉川之曲

其七

### 王延

別蕭諮議

霏雲承永夜皓燭驚離軒執酒愴誰與舉衷默無言忍茲  
君爲別如此歲方暄年深北岫時鳥思南國園江上愁別  
日階下樹芳蓀

謝朓

江上曲

易陽春草出時嶠日已莫蓮葉尙田田淇水不可渡願子  
淹桂舟時同千里路千里旣相許桂舟復容與江上可采  
菱清歌共南楚

蒲生行

蒲生廣湖邊託身洪波側春露惠我澤秋霜縛我色根葉

從風浪常恐不永植攝生各有命豈云智與力安得游雲  
上與爾同羽翼

詠邯鄲才人嫁爲厮養卒婦

生平宮閣裏出入侍丹墀開笥方羅縠窺鏡比蛾眉初別  
意未解去久日生悲憔悴不自識嬌羞餘故姿夢中忽彷彿  
猶言承燕私

游山

託身因支離乘間遂疲蹇語默良未尋得喪云誰辨幸泣  
山水都復值清冬緬陵厓必千仞尋壑將萬轉堅嶠旣峻  
瞻河漢復望瀛海杳雲寶深淵淵石溜淺旁眺鬱鬱繁筭還

望森栴榭荒隩被歲莎崩壁帶苔蘚鼯狢叫層巖鷗鳧戲  
沙衍觸賞聊自觀卽趣咸已展經目惜所遇前路欣方踐  
無言蕙草歇留垣方可舉尙子時未歸邴生思自勉永志  
昔所欽勝跡今能選寄言賞心客得性良爲善

將游湘水尋句溪

旣從陵陽釣挂鱗驂赤螭方尋桂水原謁帝蒼山垂辰哉  
且未會乘景弄清漪瑟汨瀉長淀潺湲赴兩岐輕蘋上靡  
靡雜石下離離寒草分花映戲鮪乘空移興以莫秋月清  
霜落素枝魚鳥余方翫纓綏君自廩及茲暘懷抱山川長  
若斯



游東田

戚戚苦無悰攜手共行樂尋雲陟累榭隨山望菌閣遠樹  
曖芊芊生煙紛漠漠魚戲新荷動鳥散餘花落不對芳春  
酒還望青山郭

答張齊興

荆山崇百里漢廣流無極北馳星斗正南望朝雲色川隰  
同幽曠冠冕異今昔子肅兩岐功我滯三冬職誰知京洛  
念彷彿昆山側向夕登城壕潛沱隱復直地迴聞遙蟬天  
長望歸翼清文忽景麗思泉紛寶飾勿言修路阻勉子康  
衢力會厓寂且寥歸軫逝言陟

暫使下都夜發新林至京邑贈西府同僚

大江流日夜客心悲未央徒念關山近終知返路長秋河  
曙耿耿寒渚夜蒼蒼引領見京室宮雉正相望金波麗鵝  
鵲玉繩低建章驅車鼎門外思見昭邱陽馳輝不可接何  
況隔兩鄉風雲有鳥路江漢無梁常恐鷹隼擊時菊委  
嚴霜寄言尉羅者寥廓已高翔

酬王晉安德元

稍稍枝早勁塗塗露晚晞南中榮橘柚甯知鴻雁飛拂霧  
朝青閣日旰坐彤闈悵望一途阻參差百慮依春草秋更  
綠公子未西歸誰能久京洛緇塵染素衣

郡內高齋閒望答呂法曹

結構何迢遞曠望極高深窗中列遠岫庭際俯喬林日出  
眾鳥散山冥孤蟻吟已有池上酌復此風中琴非君美無  
度孰爲勞寸心惠而能好我問以瑤華音若遺金門步見  
就玉山岑

在郡臥病呈沈尙書

淮陽股肱守高臥猶在茲况復南山曲何異幽棲時連陰  
盛農節臺笠聚東菑高閣常晝掩荒階少諍詞珍篋清夏  
室輕扇動涼颿嘉魴聊可薦綠螿方獨持夏李沈朱實秋  
藕折輕絲良辰竟何許夙昔夢佳期坐歎徒可積爲邦歲

已期弦歌終莫取撫枕令自蚩

別王丞僧孺

首夏實清和餘春滿郊甸花樹雜爲錦月池皎如練如何  
當此時別離言與宴留襟已鬱紆行舟亦遙衍非君不見  
思所悲思不見

同羈夜集

積念隔炎涼驪言始今夕已對濁尊酒復此故鄉客霜月  
始流砌寒蛸早吟隙幸藉京華游邊城燕良席樵采咸共  
同荆莎聊可藉恐君城闕人安能久松柏

忝役湘州與宣城吏民別

弱齡倦簪履薄晚忝華隩閒沃盡地區山泉諧所好幸遇  
昌化穆溘俗罕驚暴四時從偃息三省無侵冒下車遽暄  
席紆服始黔竈榮辱未遑敷德禮何由導汨征奉南岳兼  
秩典邦號罷馬方云驅鉛刀安可操遺惠良寂寞恩靈亦  
匪報桂水日悠悠結言幸相勞吐納貽爾知窮通勸所蹈  
懷故人

芳州有杜若可以贈佳期望望忽超遠何由見所思行行  
未千里山川已閒之離居方歲月故人不在此清風動簾  
夜孤月照窗時安得同攜手酌酒賦新詩

始之宣城郡

下帷闕章句高談媿名理  
疏散謝公卿蕭條依掾史  
簪髮逢嘉惠教義承君子  
心跡苦未并憂歡將十祀  
幸霑雲雨慶方轡參多士  
振鷺徒追飛羣龍難隸齒  
烹鮮止貪競共治屬廉恥  
伊余昧損益何用祇千里  
解劔北宮朝息駕南川  
浹甯希廣平詠聊慕華陰  
市棄置宛洛游多謝金門  
裏招招漾輕楫行行趨巖趾  
江海雖未從山林於此始  
之宣城郡出新林浦向板橋

江路西南永歸流東北驚  
天際識歸舟雲中辨江樹  
旅思倦搖搖孤游昔已屢  
旣歡懷祿情復協滄州趣  
囂塵自茲隔賞心於此遇  
雖無元豹姿終隱南山霧

休沐重還丹陽道中

薄游第從告思閒願罷歸還  
卽歌賦似休汝車騎非瀟池  
不可別伊川難重違汀葭稍靡靡  
江莢復依依田鵠遠相叫沙鶻忽爭飛  
雲端楚山見林表吳岫微試與征徒望鄉  
淚盡霑衣賴此盈尊酌含景望芳菲  
問我勞何事霑沐仰清徽志狹輕軒冕  
恩甚戀闈闈歲華春有酒初服偃郊扉

京路夜發

攬攬整夜裝肅肅戒徂兩曉星正寥  
落晨光復瀼瀼猶霑餘露團稍見朝霞  
上故鄉邈已覓山川修且廣文奏方盈  
前懷人去心賞救躬每跼躄瞻恩惟震  
蕩行矣倦路長無

由稅歸鞅

晚登三山還望京邑

灞浹望長安河陽視京縣白日麗飛薨參差皆可見餘霞  
散成綺澄江靜如練喧鳥覆春州雜英滿芳甸去矣方滯  
淫懷哉罷歡宴佳期悵何許淚下如流霰有情知望鄉誰  
能鬢不變

始出尚書省

惟昔逢休明十載朝雲陛既通金闥籍復酌瓊筵醴宸景  
厭昭臨昏風淪繼體紛虹亂朝日濁河穢清涕防口猶寬  
政餐茶更如薺英袞暘人謀文明固天啟青精翼紫軟黃



方不音選齊一  
旗映朱邱還覩司隸章復見東都禮中區咸已泰輕生諒  
昭灑趨事辭宮闕載筆陪旌棨邑里向疎蕪寒流自清泚  
衰柳尙沈沈凝露方泥泥零落悲友朋歡娛燕兄弟旣秉  
丹石心甯流素絲涕因此得蕭散垂竿深澗底

直中書省

紫殿肅陰陰彤庭赫宏敞風動萬年枝日華承露掌玲瓏  
結綺錢深沈映朱网紅藥當階翻蒼苔依砌上茲言翔鳳  
池鳴佩多清響信美非吾室中園思偃仰朋情以鬱陶春  
物方駘蕩安得陵風翰聊恣山泉賞

觀朝雨

朔風吹飛雨蕭條江上來  
旣灑百常觀復集九成臺  
空濛如薄霧散漫似輕埃  
平明振衣坐重門猶未開  
耳日暫無擾懷古信悠哉  
戢翼希驪首乘流畏暴顛  
動息無兼遂岐路多裴回  
方同戰勝者去翦北山萊

宣城郡內登望

借問下車日匪直望舒圓  
寒城一以眺平楚正蒼然  
山積陵陽阻谿流春穀泉  
威紆距遙甸巉岵帶遠天  
切切陰風莫桑柘起寒煙  
悵望心已極懔怳魂屢遷  
結髮倦爲旅平生早事邊  
誰規鼎食盛甯要狐白鮮  
方棄汝南諾言稅遼

東田

冬日晚郡事隙

案牘時閒暇偶坐觀卉木颯颯滿池荷  
翛翛蔭窗竹橋隙自周流房櫳閒且肅  
蒼翠望寒山崢嶸瞰平陸已惕慕歸  
心復傷千里日風霜旦夕甚蕙草無芬  
馥云誰美笙簧孰是厭適軸願言稅遙  
駕臨潭餌秋鞠

高齋視事

餘雪暎青山寒霧開白日曖曖江村見  
離離海樹出披衣就清盥憑軒方秉筆  
列俎歸單味連駕止容邾空爲大國  
憂紛詭諒非一安得埽荒逕鎖吾愁與  
疾冬緒羈懷示蕭諮議虞田曹劉江二  
常侍

去國懷邱園入遠滯城闕寒燈耿宵夢清鏡悲曉髮風草  
不留霜冰池共如月寂寞此閒惟琴尊任所對客念坐嬋  
媛年華稍掩曖夙慕雲澤游共奉荆臺績一聽春鶯喧再  
視秋鴻沒疲驂良易返恩波不可越誰慕臨淄鼎常希茂  
陵渴依隱幸自從求心果蕪昧方軫歸歎願故山芝未歇  
落日悵望

昧旦多紛喧日晏未遑舍落日餘清陰高枕東窗下寒槐  
漸如束秋鞠行當把借問此何時涼風懷朔馬已傷歸莫  
客復思離居者情嗜幸非多案牘偏爲寡旣乏琅邪政方  
憩雒陽社

八代詩選 齊一  
賽敬亭山廟喜雨

夕振懷椒糈蠲景絜膏薌登秋雖未獻望歲仁年祥潭淵  
深可厲狹邪車未方朦朧度絕限出沒見林堂秉玉朝羣  
帝尊桂迎東皇排雲接蚪蓋蔽日下蜺裳會舞紛瑤席安  
歌遶鳳梁百味芬綺帳四坐霑羽觴福被延民澤樂極思  
故鄉登山騁歸望原雨晦茫茫胡甯昧千里解佩拂山莊  
賦貧民田

假遇非將迎靖其延殊慶中歲歷三臺旬月典邦政曾是  
其治情敢忘郵貧病將無富教禮孰有知方性敦本抑工  
商均業省兼併察壤見泉脈覘星視農正黍稷緣高殖稻

稔卽卑盛舊埒新塍分青苗白水暎遙樹市清陰連山周  
遠淨卽此風雲佳孤觴聊可命旣微三載道庶藉兩岐詠  
俾爾倉廩實余從谷口鄭

治宅

結宇夕陰街荒幽橫九曲迢遞南川陽迤邐西山足闢館  
臨秋風敞窗望寒旭風碎池中荷霜翦江南綠旣無東都  
金且稅東皋粟

秋夜解講

四緣去誰筆七解習未央沈沈到營魄苦蔭鹹愁腸琴瑟  
徒瀾漫媵容空滿堂春顏遽幾日秋隴終茫茫孰云濟沈

潮假願託津梁惠唱摛泉涌妙演發金相空有定無執賓  
實固相忘自來乘首夏及此申莫霜雲物清晨景衣巾引  
夕涼風振蕉蓮口露下梧楸傷六龍且無借三相甯久長  
何時接靈應及子同舟航

秋夜促織鳴南鄰擣衣急思君隔九重夜夜空伫立北窗  
輕幔垂西戶月光入何知白露下坐視階前溼誰能長分  
居秋盡冬復及

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道善誘  
宗學厚鳴鐘霽幽抱仁焉死祖落清徽夜何早歲晚結松

陰平原亂秋草不有至言揚終滯西山老

和宋記室省中

落日飛鳥遠憂來不可極竹樹澄遠陰雲霞成異色懷歸  
欲乘電瞻言思解翼清揚婉禁居祕此文墨職無歎阻琴  
尊相從伊水側

和王著作融八公山

二別阻漢坻雙嶠望河澳茲領復嶺岷分區奠淮服東限  
琅邪臺西距孟諸陸阡眠起雜樹檀欒蔭修竹日隱澗疑  
空雲聚岫如複出沒眺樓雉遠近送春日戎州昔亂華素  
景淪伊穀阡危賴宗袞微管寄明牧長蛇固能翦奔鯨自



此暴道峻芳塵流業遙年運倏平生仰令圖吁嗟命不淑  
浩蕩別親知連翩戒征軸再遠館娃宮兩去河陽谷風煙  
四時犯霜雨朝夜沐春秀良已彫秋場庶能築

和伏武昌登孫權故城

炎靈遺劔璽當塗駭龍戰聖期缺中壤霸功興寓縣鵲起  
登吳山鳳翔陵楚甸衿帶窮巖險帷帟盡謀選北拒溺驂  
鏢西寵收組練江海旣無波俯仰流英眇裘冕類禋郊卜  
揆崇離殿鈞臺臨講閣樊山開廣讌文物其歲蕤聲明且  
蔥蒨三光厭分景書軌欲同薦參差世祀忽寂寞市朝變  
舞館識餘基歌梁想遺囀故林衰木平荒池秋草徧雄圖

悵若茲茂宰深遐眷幽客滯江皋從賞乖纓弁清卮阻獻  
酬良書限聞見幸藉芳音多承風采餘絢于役儻有期鄂  
渚同游衍

夏始和劉孱陵

威仰弛蒼郊龍曜表皇隰春色卷遙甸炎光麗近邑白蘋  
望已騁緗荷紛可襲徒願尺波旋終憐寸景戢對窗斜日  
過洞幌鮮颺入浮雲去欲遠莫鳥飛相及柔翰縵芳塵清  
原非易挹回江難絕濟云誰暘伫立良宰勛夜漁出入事  
朝汲積羽余旣裳更賦子盈粒椅梧何必零歸來其棲集  
新治北窗和何從事

國少暇日多民漙紛務屏闕曠期清曠開簾候風景泱泱  
日照谿團團雲去嶺峯巖嶷蘭橈峻駢闐石路整池北樹如  
浮竹外山猶影自來彌弦望及君臨箕穎清文蔚且詠微  
言超已領不見城壕側思君朝夕頃回舟方在辰何以慰  
延頸

和王主簿季哲怨情

掖庭聘絕國長門失歡宴相逢詠靡蕪辭寵悲團扇花叢  
亂數蝶風簾入雙燕徒使春帶賒坐惜紅妝變生平一顧  
重夙昔千金賤故人心尙爾故心人不見

和劉中書

昔余侍君子，歷此游荆漢。山川隔舊賞，朋僚多雨散。圖南  
矯風翮，曾非息短翰。移疾覲新篇，披衣起淵翫。惆悵懷昔  
踐，彷彿得殊觀。頰紫共彬駁，雲錦相陵亂。奔星上未窮，驚  
雷下將半。回潮潰崩樹，輪囷傾岸巖。篠或旁翻石，菌蕪  
修榦澄。澄明浦媚衍，衍清風瀾。江潭良在目，懷賢累興歎。  
歲莫不可期，淹留絕巖畔。

贈王主簿

日落窗中坐，紅妝好顏色。舞衣襞未縫，流黃覆不織。蜻蛉  
草際飛，游蜂花上食。一遇長相思，願寄連翩翼。

和蕭中庶直石頭

九河互積阻三巘鬱秀眺皇州總地德回江歎巖微井榦  
滌蒼林雲蔓蔽層嶠川霞旦上薄山光晚餘照翔集亂歸  
飛虹蜺紛引曜君子奉神略瞰迴憑重峭彈冠已藉甚升  
車益英妙功存漢冊書榮並周庭燎汲疾移偃息董園倚  
談笑靡施一悠悠謙姿光且劭讌嘉多暇日興文起淵調  
曰余廁鱗羽滅景從漁釣澤渥資投分逢迎典待詔詠沼  
邈含豪專城空坐嘯徒慚皇鑿揆終延曲士諄方追隱淪  
訣偶解金丹要若偶巫咸招帝閭良可叫

和王長史臥病

嶧岫歎崇厓派別朝洪河兔園文雅盛章臺冠蓋多淵衿

眷眷岳燮贊動毗歌顧影慚駢服載筆旅江沱縞衣紛可  
獻琴言曖已和青皋向還色春澗視生波巖垂變好鳥松  
上改陳蘿日與歲眇邈歸恨積蹉跎願緝吳山杜甯袂楚  
池荷清風豈孤劭功遂懷曾阿勿藥良有豈荏苒芳未過  
幸留清尊味言藉故田莎

奉和隨王殿下十六首

高秋夜方靜神居肅且清閒階塗廣露涼宇澄月陰嬋娟  
影池竹疎蕪散風林淵情協爽節詠言興德音闔道空已  
積千直媿蓬心

星回夜未艾洞房凝遠情雲陰滿池樹中月懸高城喬木

含風霧行雁飛且鳴平臺盛文雅西園富羣英芳慶良永  
矣君王嗣德聲眷此伊洛詠載懷汾水情願已非麗則蒸  
惠奉仁明觀淄詠已失憮然愧簪纓

神心遺魏闕中想顧汾陽肅景懷辰豫捐玦翦山楊時惟  
清夏始雲景曖含芳月陰洞野色日華麗池光草含亭舉  
遠霞生川路長端坐聞鶴引靜瑟愴復傷懷哉泉石思歌  
詠鬱瓊相春塘多逸駕言從伊與商袞職眷英覽獨善伊  
何忘願輟東郊遠宏道侍云梁

睿心重離析岐路清江隈四面寒飈舉千里白雲來川長  
別管思地迴翻旗回還顧昭陽闕超遠章華臺置酒巫山

日爲君停玉杯

桂樓飛絕限超遠向江岐輕寒霽廣甸微風散清漪連連  
絕雁舉渺渺青煙移巖城亂芸草霜塘彫素枝氣爽深遙  
矚豫永聊停曦卽已終可悅盈尊且若斯

元冬寂修夜天圍靜且開亭皋霜氣愴松宇清風來高琴  
時以思幽人多感懷幸藉汾陽想嶺首正裴回

漣漪映餘雪巖城限深霧清寒起洞門東風急池樹神居  
望已肅裴回舉冲趣棲歸如遲詠邱山不可屢

浮雲西北起飛來下高堂合散輕帷表飄舞桂臺陽遙階  
收委羽平地如夜光眷言金玉照顧慚蘭蕙芳



齊一  
答沈右率諸君餞別

春夜別清尊江潭復爲客歎息東流水如何故鄉陌重樹  
日芬藍芳洲轉如積望望荆臺下歸夢相思夕

夜聽妓

瓊閨釧響聞瑤席芳塵滿要取洛陽人共命江南管情多  
舞態遲意傾歌弄緩知君密見親寸心傳玉腕

江奠

綠水曲

塘上蒲欲齊汀洲杜將歇春心旣易蕩春流豈難越桂棹  
隨晚風菱江及初月芳香若可贈爲君步羅襪

王秀之

臥疾敘意

貞悔不少期福極固難豫疾藥雖一塗遂以千百慮景仄  
念徂齡帶緩每危曙循躬旣已茲況復歲將莫層冰日夜  
多飛雲密如霧歸鴻互斷絕宿鳥莫能去輟我邱中琴良  
由一嗟故隱淪跡有違宰官功未樹何用攬余情悵悵此  
故路豈言勞者歌且曰幽人賦

江孝嗣

北戍琅邪城詩

驅馬一連翩日下情不息芳樹似佳人惆悵余何極薄莫

苦羈愁終朝傷旅食丈夫許人世安得顧心臆按劔勿復  
言誰能耕與織

劉繪

巫山高

高唐與巫山參差鬱相望灼爍在雲閒氛氲出霞上散雨  
收夕臺行雲卷晨障出沒不易期嬋娟以惆悵

饒謝文學離夜

汀洲千里芳朝雲萬里色悠然在天隅之子去安極春潭  
無與窺秋臺誰共陟不見一佳人徒望西飛翼

入琵琶峽望積布磯呈元暉

江山信多美此地最爲神以茲峯石麗重當芳樹春照爛  
虹蜺雜交錯錦繡陳差池若燕羽崩劣似龍鱗卻瞻了非  
向前觀已復新翠微上虧景青莎下拂津巉巖如刻削可  
望不可親昔塗首遐路未獲究清塵誓將返初服歲莫請  
爲鄰

孔稚珪

白馬篇

驥子跼且鳴鐵陳與雲平漢家嫖姚將馳突匈奴庭少年  
鬪猛氣怒髮爲君征雄戟摩白日長劒斷流星早出飛狐  
塞晚泊樓煩城虜騎四山合胡塵千里驚嘶笳振地響吹

角沸天聲左碎呼韓陳右破休屠兵橫行絕漠表飲馬瀚  
海清隴樹枯無色沙草不嘗青勒石燕然道凱歸長安亭  
縣官知我健四海誰不傾但使強胡滅何須甲第成當令  
丈夫志獨爲上古英

游太平山

石險天兒分林交日容缺陰澗落春榮寒巖留夏雪

巨源

詠七寶畫團扇

妙縞貫東夏巧媛出吳闔裁如白玉壁縫似明月輪表裏  
鏤七寶中銜駭雞珍畫作景山樹圖爲河洛神來延揮握

玩入與環釧親生風長裊際晞華紅粉津拂盼迎嬌意隱  
映含歌人時移務忘故節改競存新卷情隨象簞舒心謝  
錦茵厭歇何足道敬哉先後晨

聽鄰妓

披衽之游術憑軾寡文才蓬門長自寂虛席視生埃貴里  
臨倡館東鄰歌吹臺雲間嬌響徹風末豔聲來飛華瑤翠  
幄揚芬金碧杯久絕中州美從念尸鄉灰遺情悲近世中  
山安在哉

陸厥

蒲阪行

齊一  
江南風已春河閒柳堪把雁反無南書寸心何由寫流泊  
三  
祁連山飄飄高闕下

邯鄲行

趙女擲鳴琴邯鄲紛躡步長裊曳三街兼金輕一顧有美  
獨臨風佳人在遐路相思欲褰衽叢臺日已暮

中山王孺子妾歌

如姬寢臥內班婕坐同車洪波陪飲帳林光宴秦餘歲暮  
寒飈及秋水落芙蓉子瑕矯後駕安陵泣前魚賤妾終已  
矣君子定焉如

奉答內兄希叔一首

嘉惠承帝子躡履奉王孫屬叨金馬署又點銅龍門出入  
平津邸一見孟嘗尊歸來翳桑柘朝夕異涼溫其殂落固

云是寂蔑終如斯杜門清三逕坐檻臨曲池鳧鵠嘯儔侶

荷芰始參差雖無田田葉及爾汎漣漪其春華與秋實庶

子及家臣王門所以貴自古多俊民離宮收杞梓華屋富

徐陳平旦上林苑日入伊水濱其書記既翩翩賦歌能妙

絕相如慙溫麗子雲慙筆札駿足思長阪柴車畏危轍愧

茲山陽讌空此河陽別其平原十日飲中散千里游渤海

方淫滯宜城誰獻酬屏居南山下臨此歲方秋惜哉時不

與日莫無輕舟其五



八代詩選  
齊一  
虞炎

奉和竟陵王經劉歊墓下

下帷聞昔儒窺園信且逸聚學叢煙郊棲遯事環華戢景  
謝歸年稅駕空悠日庭露已霑衣松門向蕭瑟憫憫神念

周依依惠言密

闕

顧歡

臨終詩

五塗無恆宅三清有常舍精氣因天行游魂隨物化鵬鷖  
適大海蜩鳩之桑柘達生任去留善死均日夜委命安所  
乘何方不可駕翹心企前覺融然從此謝